



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. V. Christvs Dominvs Perfectissimæ vitæ exemplar.

urn:nbn:de:hbz:466:1-42349

faciunt quod non licet. Pergit S. Aug. & habetur 12. q. 1. c. 18. certè ego. Certè ego, ait, qui statueram sicut nostis nullum ordinare clericum, nisi qui mecum vellet manere: ut si vellet discedere a proposito, rectè illi tollerem clericatum: quia desereret sanctæ societatis promissum, ceptumq; consilium: Ecce in conspectu Dei & vestro muto consilium. Qui volunt aliquid habere proprium, quibus non sufficit Deus, & ecclesia sua, maneat, ubi volunt, & ubi possunt, non eis aufero clericatum. Non dissimilia habet idem S. Aug. serm. posteriore de communi Clericor. vita. Similiter B. Prosper Aquitanicus Regiensis Episcopus, S. August. perpetuus sectator l. 2. de vita contemplativa cap. 11. Clerici, inquit, quos pauperes aut voluntas, aut natiuitas fecit, cum perfectione virtutis vita necessaria, siue in domibus suis, siue in congregatione viuentes accipiunt, quia ad ea accipienda non eos habendi cupiditas ducit, sed cogit necessitas. S. Greg. M. ad primam interrogationem Augustini Angliæ Archiepiscopi, & habetur 12. q. 2. c. 30. Mos est. Mos, ait, Apostolicæ sedis est ordinatis Episcopis præceptum tradere, ut ex omni stipendio, quod accedit, quatuor debeant fieri portiones. Vna videlicet episcopo & familiæ propter hospitalitatem & susceptionem, alia clero, tertia pauperibus, quarta ecclesiis reparandis. Sed quia tua fraternitas monasterii regulis erudita seorsim viuere non debet à clericis suis in ecclesia Anglorum, quæ auctore Deo nuper ad fidem perducta est, hanc debet instituere conuersationem, quæ in initio nascentis ecclesiæ fuit patrib. nostris, in quibus nullus ex his, quæ possidebant, aliquid suum esse dicebat, sed erant illis oia cõmunia.

Ecclesiæ pro
uentus in
quatuor o-
lim partes
tribuit.

In Angliæ
communẽ
auxere vi-
tam clericor.

Quod Clerici quondam Apostolicam & perfectissimam duxerint vitam, cuius adhuc expressa extent vestigia.

C A P. V.

CHRISTVS DOMINVS PERFECTISSIMAE
vitæ exemplar.

§ Citis gratiam D. N. Iesu Christi: quoniam cum dives Christi li-
esset, propter vos egenus factus est, ut vos illius inopia di-
beratoris
uites paupertas.

Christi Do-
mini obedi-
entia.

Castitas sal-
uatoris.

uites essetis, ait Apostol. 2. Cor. 8. v. 9. In stabulo natus, Luc. 2. v. 7. toto mortalis vitæ curriculo non habens, vbi caput reclinaret. Matth. 8. v. 20. nudus in cruce mortuus & alieno conditus sepulchro, Ioan. 19. v. 23. & 41. Sanctâ in suo corpore dedicauit paupertatem. Quin & spiritu ac pia voluntate pauperes beatos prædica- uit Matth. 5. v. 3. Luc. 6. v. 20. & eam vitæ formulam suis dedit sectatoribus Matth. 10. v. 10. Nolite possidere aurum neq, argentum, neq, pecuniam in zonis vestris, non pe- ram in via, neq, duas tunicas, neq, calceamenta, neq, virgam, dignus est enim operarius cibo suo. Idem Saluator & alij se submittendi obtemperandiq; exemplar, descendit de caelo, non vt suam sed patris faceret voluntatem Ioan. 6. v. 38. & non solum Patri factus est obediens vsq, ad mortem crucis, Philip. 2. v. 8. sed etiam matri ac nutritori suo fuit sub- ditus Luc. 2. v. 51. Quin & iniquissimis magistratibus vt Pontificibus ac Pilato morem gerens obedientiam sanciuit. Ipse deniq; de Spiritu S. conceptus & ex il- libata natus virgine perpetuam Agnus immaculatus seruauit virginitatem, & commendauit Eunuchos, qui seipsos castrauerunt propter regnum cælorum, Matt. 19. v. 12. hoc est, qui conjugij suscipiendi facultatem sibi per- petuo voto penitus absceiderunt.

CAPVT VI.

APOSTOLI IN EVANGELICIS CON-
siliis Seruatoris Emuli.

§. **H**anc viuendi in castitate, obedientia, ac pau- pertate rationem ac consilium amplexi Apo- stoli, Dominum Petri ore conueniebant Matth. 19. v. 27. Ecce nos reliquimus omnia & secuti sumus te, quid ergo e- rit nobis? Quemadmodum vox (secuti) imitationem in paupertate, castitate & obedientia indicat, ita & vocabulum omnia nihil excipit. Non diui- tias: constat enim ex Euangelio & Apostolicis Actibus; qua quantaque paupertate tradu- xerint: